

დაბა ჩაქვი

„06“ „11“, 2017 წელი

სახელმწიფო შესყიდვის განხორციელების მიზნით, „სახელმწიფო შესყიდვების შესახებ“ საქართველოს კანონის (მუხლი 3, პუნქტი 1, „სს“ ქვეპუნქტი) და „გამარტივებული შესყიდვის კრიტერიუმები და გამარტივებული შესყიდვის ჩატარების წესი“-ს (მუხლი 2, „ა“ ქვეპუნქტი) შესაბამისად, აჭარის ავტონომიური რესპუბლიკის უმაღლესი საბჭო (შემდგომში „შემსყიდველი“), წარმოდგენილი უმაღლესი საბჭოს აპარატის უფროსის რამაზ ბოლქვაძის სახით ერთი მხრივ და ფიზიკური პირი ნოდარ დოლიძე (შემდგომში „მიმწოდებელი“) მისამართი: ქ. ბათუმი, კანდელაკის ქუჩა №10, პირადობის მოწმობის ნომერი 12ID82429, პირადი ნომერი 61001053196, მეორე მხრივ, გამარტივებული შესყიდვის საშუალებით, ვაფორმებთ წინამდებარე ხელშეკრულებას შემდეგზე:

1. ხელშეკრულების საგანი

1.1. წინამდებარე ხელშეკრულების საგანს წარმოადგენს აჭარის ავტონომიური რესპუბლიკის უმაღლესი საბჭოს ბიუროს ოთახის მაგიდის რესტავრაცია (რესტავრაციისათვის საჭირო მასალებით) – CPV კოდი: 50800000 (შემდგომში „მომსახურება“), წინამდებარე ხელშეკრულებით გათვალისწინებული პირობების შესაბამისად.

2. მომსახურების გაწევის წესი, ვადები, ღირებულება და ანგარიშსწორება

2.1. შესასყიდი მომსახურების გაწევა მოხდება მხარეების მიერ ხელშეკრულების ხელმოწერის დღიდან 2017 წლის 10 ნოემბრის ჩათვლით პერიოდში, შემსყიდველის (კოორდინატორის) მოთხოვნის შესაბამისად, მოთხოვნიდან არაუგვიანეს ორი დღის ვადაში.

2.2. შესასყიდი მომსახურების გაწევა მოხდება მისამართზე: დაბა ჩაქვი, მეგენიშვილის ქუჩა №25.

2.3. შესრულებული მომსახურება ჩაითვლება მიღებულად მხოლოდ მხარეებს შორის მიღება-ჩაბარების აქტის გაფორმების შემდეგ.

2.4. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.

2.5. შესასყიდი მომსახურების სავარაუდო ღირებულება, გადასახდელების ჩათვლით, შეადგენს 200 (ორასი) ლარს.

2.6. შესასყიდი მომსახურების კონკრეტული აღწერილობა აისახება მხარეებს შორის გაფორმებულ შესაბამის აქტში, რომელიც შეთანხმებულად ჩაითვლება მხარეთა მიერ ხელმოწერის შემდეგ.

2.7. ხელშეკრულების სავარაუდო ჯამური ღირებულება, გადასახდელების ჩათვლით, შეადგენს 200 (ორასი) ლარს.

2.8. ხელშეკრულების ჯამური ღირებულება მოიცავს შესასყიდი საქონლის მიწოდებასთან დაკავშირებულ ყველა თანმდევ ხარჯს, კანონმდებლობით დადგენილ ყველა გადასახადს, მოსაკრებელს.

3. ანგარიშსწორების ფორმა და ვადები

3.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით, ლარში, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

3.2. მიმწოდებელთან ანგარიშსწორება განხორციელდება ფაქტობრივად შესრულებული და მიღებული მომსახურების მოცულობის გათვალისწინებით, წინამდებარე ხელშეკრულების საფუძველზე, შესასყიდი მომსახურების წინამდებარე ხელშეკრულების 2.3.-2.4. პუნქტების შესაბამისად მიღების შემდეგ, მიღება-ჩაბარების აქტის გაფორმებიდან არაუგვიანეს ათი სამუშაო დღის ვადაში.

4. მხარეთა უფლება-მოვალეობანი

4.1. „მიმწოდებელი“ ვალდებულია:

ა) გაუწიოს „შემსყიდველს“ მომსახურება ხელშეკრულებით დადგენილი წესით და დადგენილ ვადებში;

ბ) უზრუნველყოს „შემსყიდველისათვის“ მოთხოვნილი მომსახურების დროულად და ხარისხიანად შესრულება შემსყიდველის მხრიდან რაიმე დამატებითი დანახარჯის გაწევის გარეშე;

გ) შეტყობინების მიღებისთანავე უზრუნველყოს მომსახურების მიღების ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრა, წუნდებული მომსახურების დროულად და ხარისხიანად შესრულება შემსყიდველის მხრიდან რაიმე დამატებითი დანახარჯის გაწევის გარეშე;

4.2. „მიმწოდებელი“ იძლევა გარანტიას გაწეული მომსახურების და შესაბამისი მასალების (ასეთის არსებობის შემთხვევაში) ხარისხზე.

4.3. „მიმწოდებელს“ უფლება აქვს მოითხოვოს ფაქტობრივად შესრულებული და ჩაბარებული მომსახურების ღირებულების ანაზღაურება ხელშეკრულებით დადგენილი წესით და დადგენილ ვადებში;

4.4. შემსყიდველი ვალდებულია მიიღოს მოთხოვნილი მომსახურება და გადაიხადოს მისი ღირებულება ხელშეკრულებით გათვალისწინებული წესით და დადგენილ ვადებში;

4.5. „შემსყიდველს“ უფლება აქვს მოითხოვოს „მიმწოდებლისაგან“:

ა) მომსახურების გაწევა ხელშეკრულებით დადგენილი წესით და ვადებში;

ბ) მოთხოვნილი მომსახურების დროულად და ხარისხიანად შესრულება შემსყიდველის მხრიდან რაიმე დამატებითი დანახარჯის გაწევის გარეშე;

გ) მომსახურების მიღების ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრა, წუნდებული მომსახურების დროულად და ხარისხიანად შესრულება შემსყიდველის მხრიდან რაიმე დამატებითი დანახარჯის გაწევის გარეშე;

დ) შემსყიდველს უფლება აქვს უარი განაცხადოს შესრულებული მომსახურების მიღებაზე თუ შესრულებული მომსახურება არ შეესაბამება ხელშეკრულების პირობებს.

5. მხარეთა პასუხისმგებლობა

5.1. წინამდებარე ხელშეკრულებით გათვალისწინებული პირობების არაჯეროვანი შესრულებისათვის, მათ შორის ვადების დარღვევის შემთხვევაში, ვადის გადამცილებელი მხარე ვალდებულია ყოველი გადაცილებული დღისათვის, მეორე მხარეს პირგასამტეხლოს სახით აუნაზღაუროს შესასრულებელი ვალდებულების შესაბამისი ღირებულების 0.02%.

5.2. წინამდებარე ხელშეკრულებით გათვალისწინებული პირობების შეუსრულებლობისათვის ან ნაწილობრივ შესრულების შემთხვევაში მიმწოდებელი ვალდებულია პირგასამტეხლოს სახით აუნაზღაუროს შემსყიდველს ხელშეკრულების პირობების შეუსრულებლობისათვის ხელშეკრულების საერთო ღირებულების, ხოლო ნაწილობრივ შესრულების შემთხვევაში შესასრულებელი (დარჩენილი) ვალდებულების შესაბამისი ღირებულების 10%.

5.3. იმ შემთხვევაში, თუ ვადების გადაცილებით გადახდილი (ან გადასახდელი) პირგასამტეხლოს მთლიანი თანხა გადააჭარბებს ხელშეკრულების ჯამური ღირებულების 2%-ს, მეორე მხარეს უფლება აქვს შეწყვიტოს ხელშეკრულება.

5.4. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

6. ხელშეკრულების პირობების ინსპექტირება

6.1. „შემსყიდველს“ უფლება აქვს, თავისი წარმომადგენლის (კოორდინატორის) მეშვეობით, ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი (ინსპექტირება), რაც გულისხმობს შემსყიდველის მიერ ხელშეკრულების პირობების შესრულების, ასევე შესასრულებელი მომსახურების ხარისხისა და ვალდებულების შესრულების ვადების დაცვის ხელშეკრულების მოთხოვნებთან შესაბამისობის კონტროლს.

6.2. ხელშეკრულებით ნაკისრი ვალდებულებების შესრულების ინსპექტირების განხორციელებაზე და მიღება – ჩაბარების აქტზე ხელმოწერა უფლებამოსილ პირებს წარმოადგენენ: ვლადიმერ ჭყონია – ლოჯისტიკის განყოფილების უფროსი და მინდია ფალავანდიშვილი – ლოჯისტიკის განყოფილების უფროსი სპეციალისტი.

6.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

7. ხელშეკრულების ძალაში შესვლა და მოქმედების ვადები

7.1. ხელშეკრულება ძალაში შედის მხარეთა მიერ ხელშეკრულების ხელმოწერის დღიდან.

7.2. ხელშეკრულება მოქმედებს 2017 წლის 15 დეკემბრამდე.

8. ზოგადი დებულებები

8.1. ხელშეკრულების პირობებში გადახრა ან ნებისმიერი ცვლილება უნდა გაფორმდეს წერილობით, ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

8.2. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

8.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მხარეს ხუთი კალენდარული დღით ადრე წერილობით ან კომუნიკაციის ელექტრონული საშუალებების გამოყენებით.

8.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

8.5. მხარეები თანხმდებიან, რომ:

ა) ურთიერთობები, რომლებიც არ იქნა რეგლამენტირებული წინამდებარე ხელშეკრულებით, უნდა დარეგულირდეს საქართველოს კანონმდებლობით;

ბ) წინამდებარე ხელშეკრულებით გათვალისწინებული საჯარიმო სანქციების გამოყენების შემთხვევაში ხელშეკრულება მოქმედებს ჯარიმის თანხის სრულად დაფარვის მომენტამდე, ანგარიშსწორების ნაწილში საბოლოო ანგარიშსწორებამდე;

გ) წინამდებარე ხელშეკრულების 2.5. პუნქტით განსაზღვრული ჯამური ღირებულების მთლიანად აუთვისებლობის შემთხვევაში შემსყიდველი პასუხს არ აგებს, აღნიშნულ შემთხვევაში ხელშეკრულების ჯამურ ღირებულებად ჩაითვლება ფაქტიურად ათვისებული თანხა, რაც ცალკე წერილობით შეთანხმებას აღარ საჭიროებს;

დ) არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

ე) შესასყიდი მომსახურების შესრულებისათვის გამოიყენება ხარისხიანი მასალები. მათი გამოყენება (ასეთის არსებობის შემთხვევაში) მოხდება შემსყიდველთან შეთანხმებით;

ვ) თითოეული მხარე კისრულობს ვალდებულებას კეთილსინდისიერად შეასრულოს წინამდებარე ხელშეკრულებით ნაკისრი ვალდებულებები.

8.6. ხელშეკრულება შედგენილია ქართულ ენაზე, სამ ეგზემპლარად და სამივე ეგზემპლარს აქვს თანაბარი იურიდიული ძალა, აქედან ორი ეგზემპლარი ინახება „შემსყიდველთან“, ხოლო მესამე ეგზემპლარი „მიმწოდებელთან“.

9. ფორს-მაჟორი

9.1. ხელშეკრულების პირობების ან რომელიმე მათგანის მოქმედების შეჩერება, „ფორს-მაჟორული“ გარემოებების დადგომის გამო, არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციებს.

9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.

9.3. მხარეთა ვალდებულებები და პასუხისმგებლობა განახლდება „ფორს-მაჟორული“ გარემოებების მოქმედების დასრულებისთანავე.

10. ინტერესთა კონფლიქტი

10.1. შემსყიდველის მხრიდან ხელშეკრულებაზე ხელმოწერი პირი და ხელშეკრულების შესრულების კონტროლის (ინსპექტირების) განხორციელებაზე უფლებამოსილი პირები (კოორდინატორები), „სახელმწიფო შესყიდვების შესახებ“ საქართველოს კანონის მე-8 მუხლის შესაბამისად ადასტურებენ, რომ მათი მონაწილეობა აღნიშნულ შესყიდვაში არ იწვევს ინტერესთა კონფლიქტს.

11. დავათა განხილვის წესი

11.1. მხარეები ვალდებული არიან შეეცადონ ყოველგვარი დავა გადაჭრან ურთიერთმოლაპარაკების საფუძველზე. თუ მხარეები ვერ გადაჭრიან დავას ურთიერთშეთანხმების გზით, დავა განიხილება სასამართლოს მიერ.

12. მხარეთა იურიდიული მისამართები და რეკვიზიტები

„შემსყიდველი“

აჭარის ავტონომიური რესპუბლიკის
უმაღლესი საბჭო

მის.: დაბა ჩაქვი, მეგენეიშვილის ქ. №25
საიდენტიფიკაციო კოდი: 245 425 749
სახელმწიფო ხაზინის ერთიანი ანგარიში
სახელმწიფო ხაზინის ბანკის კოდი: TRESGE22

„მიმწოდებელი“

ფიზიკური პირი ნოდარ დოლიძე

მის.: ქ. ბათუმი, კანდელაკის ქ. №10
ანგარიშის № GE10TB7727145063600025
მიმღების ბანკი: სს „თიბისი ბანკი“
ბანკის კოდი: TBCBGE22
პირადი ნომერი: 61001053196

აპარატის უფროსი

1. მესხი რ. ბოლქვაძე



ფიზიკური პირი

ნ. დოლიძე ნ. დოლიძე


ხელწერილი


ინტერესთა კონფლიქტის არარსებობის შესახებ


დაბა ჩაქვი

„06“ ნოემბერი, 2017 წ.

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, აჭარის ავტონომიური რესპუბლიკის უმაღლეს საბჭოსა და ფიზიკურ პირს ნოდარ დოლიძეს (პირადი ნომერი: 61001053196) შორის 2017 წლის „06“ ნოემბერს გაფორმებული „სახელმწიფო შესყიდვების შესახებ“ N 315 ხელშეკრულებაზე ხელმოწერი პირი და ხელშეკრულების შესრულების კონტროლის (ინსპექტირების) განხორციელებაზე უფლებამოსილი პირები (კოორდინატორები) წინამდებარე ხელწერილზე ხელის მოწერით ადასტურებენ, რომ აჭარის ავტონომიური რესპუბლიკის უმაღლესი საბჭოს მიერ, გამარტივებული შესყიდვის საშუალებით, აჭარის ავტონომიური რესპუბლიკის უმაღლესი საბჭოს ბიუროს ოთახის მაგიდის რესტავრაციასთან დაკავშირებული მომსახურების სახელმწიფო შესყიდვის (CPV-50800000) განხორციელებასთან დაკავშირებულ პროცედურებში მათი მონაწილეობა ფიზიკურ პირ ნოდარ დოლიძესთან მიმართებაში არ იწვევს ინტერესთა კონფლიქტს.

უმაღლესი საბჭოს აპარატის უფროსი:  რამაზ ბოლუქვაძე

ლოჯისტიკის განყოფილების უფროსი:  ვლადიმერ ჭყონია

ლოჯისტიკის განყოფილების უფროსი სპეციალისტი:  მინდია ფალავანდიშვილი